



Ниттиха

Шаэрнал байссия
Ниттиха балай,
Ххуллих най унува,
Щарашул чIарав.

Чивинува бура,
Бюхъай, хъун шайхту,
Ттуятугу буккан
Ца ххуйсса шаэр.

Яларив чичинна
На, ххира бавай,
Винни тIий ца куну
Бюххансса махъру.

Уттирив, ттул бавай,
Ххирагу дурну,
Учинна вил чIаврайн
ДакIнихтуну ппай.

Сулайманова
Къурбанпатимат,
2-мур класс



**УвкIра шавай,
шанан ччай**

КIи дуркIунни тти жучIан,
Дус увкIунни къатлучIан:
-Нану къатIувай гъанну,
Чанардайгу бигъланну!

Ххялллулу ххюнкIлул кюруй



ХХИРАССА ОЪРЧIРУВ!
Зул, оърчIал, шеъррдаву му-
дангу дикIай шеъррдаву
даркъусса аьчухшиву. Буккулт-
рал дакIру таза дуккан дуллалис-
сса, шад дуллалисса.
ХIакъину «ЧимучIалттул»

Лавгра ттула дуснашал
Зунттуй чанардай бигълан,
УвкIра шавай, шанан ччай
Агъра гъили пачлихун.

МахIаммадов Арслан,
4-мур «а» класс



Ниттиха

Лавхъун чанигу ниттил,
Изу, дадал ххирай, чай,
Гай нахIусса мукъурттил
Ттул дакI ххинну ххари дай.

хъаттирдай ришлай буру цIанихсса
Гъумучиял школалул дуклаки
оърчIал назмурду, аьчухшиврул
зума дурцIусса. Умудрай буру лак-
ку мазрал дарсру дихълахысса учи-
тельгурал хIарачатрайну жучIанма
пайми-пайми школардал дуклаки

ТIанкI куну, лавай ивзун,
Ххира дара на нину,
Ганил симан ттун лашай
ХъачIниха бувк бургъиха.

Ттул муаьллим

Ттун чичин лахъхьин бувсса,
Ттул-тIабиаьт кIул дурсса,
Ттушал ссавур хъун дурсса,
Ттул ххирасса муаьллим.

Вил захIмат ттун чIалай бур,
Му бур ххинну хъунмасса,
Вил захIмат дузрайн буккан
Нагу банна хIарачат.

Саидов Фарид, 4-мур «б»
класс

Ттул ччиту

Ттул буссари ца ччиту
Аьжаивну урисса,
За дукан ччан бивкIукун,
Мяв тIий ттучIан бучIайсса.

На ччиту гъан буvara,
Къурува кIулу бугъан,
КIуллул язухъ шайссарив,
ТтучIанмай зана бикIай.

оърчIал шеъррду ва хавардугу
биянтIиссар тIий. Цумур школа-
лийри утти яржа «ЧимучIалттул»
хъаттирдайн лахъан?

Ялугъланну, язисса ссайгъат-
рах кунма, зул чагъардах.
«ЧИМУЧИАЛИ»

Тти на ччитун цибави?
КIулу бугъан къаччисса,
Нану, ччитуй, рутIинна
КIичIулувун оьлил накI.

Мутаев Ибрагъимхалил,
2-мур «б» класс



КIинтIнил кIюрх

Та ВацIиллул хъачIниха
Гъарца кIюрххил баргъ буккай,
ЛяличIийсса рангирдай
Ттуруллив чIюлу дуллай.



**Я къабуччай
ххуйшиврул!**

Лагма бюхттул зунттурду,
Лултту хъяр-хъяртIи ратIру.
Миннул дянивх тIивтIун бур
Гъумучиял хъун шагъру.

Та ратIнил чулухуннай
Дуссар Уриннал ххуй шар!
Цуксса буругларчангу,
Я къабуччай ххуйшиврул!

ХIажидаудов ХIажи,
1-мур «б» класс



**Ххялллулу
ххюнкIлул кюруй**

Ххялллулу ххюнкIлул кюруй,
Зунтгал багъирдал улчай,
Инсаншиврул шараший,
ТIаннул ЦувкIуллал агълуй!



«ЧимучАли»

Зунттаву мина дурсса
Буршигу жул дусталли,
Чарав бацан хАадурсса
Ккулгу жул уссурвалли!

Ккацраннив хАав мурхъруксса
Душругу буссар ЦувкIрав,
Ккавкманал ябацансса
Жагилталгу къачанссар!

Абдуллаева Айна,
1-мур «б» класс



ДакIмур мудар вичIан кIункIу тIун дикIай

Ттул ххирасса мина,
Ттул шяравалу
Дирхъуну дур лахъсса
Зунттал дяниву.

Лагмава зунттурду,
Арду, майданну.
Бявкъусса шарашив,
Хъунисса багъру.

Ххира шяравалу,
Гъази-Гъумучий,
Ттул азизсса кIануй,
Ттул буттал минай,
Цуксса нава вия архну бунугу,
ДакIмур мудар вичIан
кIункIу тIун дикIай.

Нажаева Саняет,
1-мур «б» класс



Зунттуя бигълан

Вана жучIаннагу
ДуркIун утти кIи,
КIяла марххалтгашал,
Хъунма зунчашал.

Бачияра, оърчIрув,
Гъаннуча чеххуйн,
Чанардай шябивкIун,
Зунттуя бигълан.

Чеххуя хIаз лавсун,
ХIалгу бавкъуну,
Хъхувай шаппай гъанну
ИшттахIну шанан.

КIюрххил лавай бивзун
Лажин-ка шюршун,
Ххуйсса гъавасрашал
Гъанну дарсирайн.

Шахшаева Рабият



Хъунмямма — ттул хъун дусри

Ттул хъунасса дус уссар,
Оърмул кIяла увсса,
КIукъакIулсса бакъасса,
Хъунмямма тIий ца дурксса!
КIулссар мямман назмугу,
ПасихIну бусай магъри,
БувчIай ччимур ссигъагу.
Хъунмямма – ттул хъун дусри!

Ябувара ниттихъул

Урвав дунияллий,
бусира, дустал,
Ниттияр гъансса дус,
даин дакIнийсса?
Буривав шилчIавгу
мукунсса аьмал,
Къаччан бикIарчангу,
кIул къабуйайсса?
Буруччира, дустал,
жула нинухъру,
Ябувара миннул яруннаву пар.
ДакIру ххари дара
тIааьнсса мукъуй,
Жухава дуаьрттай
буссар ниттихъул.

ХIажидаудова Патимат,
4-мур «б» класс



Марххала

КIяла виргъан дуртунни
КIинтнил лухччинул ялтту.
ЧIюлу хъунни мурхъругу,
Памма ялтту бивчуну.

Гуржай букланну утти,
Лечлай марххалттаннийху.
ЦIусса марххалттанния
Ххари хъунни оърчIругу.

Аюбов Сулайман

ХIадур бувссар
П. РАМАЗАНОВАЛ

Чивисса оърмулий чIярусса ккаккиартту

Уттигъанну Москвавив Аьрасатнал IV менталсса арифметикалул конкурсрай гьуртту хъуну, 2-мур кIанттун лайкъ хъуну увкIунни жула лакку оърчI, Карашрал шяраватусса Закаев Ширвани Аттал арс. Биляятрал личИи-личИисса регионнаясса 500 гьурттучи ивкIсса ва чемпионатрая 2-мур классраву дуклакисса оърчI укунсса ккаккилушал зана шавугу мийжанныгу ккалли бансса зат бур.



Ширвани Закаев

3. АБДУРАХИМАНОВА

Дуклай ур Ширвани Ма-
хIачкъалаллал 37-мур гим-
назиялий. Дарсирайн гъаннина
ванан хъунмасса гъира бивкIун
бур шахматирттай уклан ва

арифметикалул хIисавртту дул-
лан. Мукунма ххирар ванан
футболданий уклангу. ЦIанагу
Ширвани, цал архIал кIива-
шанма секциялийн заназис-
сса, ацIаву цирив къакIулсса,
кIулушивурттат хъирив агъсса



оърчI ур. Менталсса арифме-
тикалухун машхул хъуну ур б
шин хъуния шинай. Москвавив
хъусса чемпионатрай гьуртту
хъун хъхъичI Ширвани ларгмур
шинал МахIачкъалалив хъусса
бьаст-ччаллай 1-мур кIанттун
лайкъ хъуну ур, хъирив Ухсса-
вил Ккавкказуллал цалчин-
сса менталсса арифметикалул
«UCMAS» цIанилусса чемпи-
онатрай гьуртту хъуну, мукуна
1-мур кIантту бувгъуну бивкIун
бур.

Чивину унугу, ттинин спорт-
равугу ванал хIарачатру чан-
сса бакъар. Ва гьурттусса ко-
манда, Ххувшаврил къинилун,
«Бурчул ттуп» тIисса ва уссур-
вал НурбахIандовхъан хасъсса
футболданул турнирдай гьуртту
хъуну, хъхъичIунсса кIанттурдан
лайкъ хъуну дур.

Барчаллагъ учин ччай бур
Ширванинаву укунсса гунарду
ва дуккаврихсса гъира чантI
учин бан хIарачат буллалисса
ванал нину-ппу Аттахъ ва Эль-
вирахъ, хъунмямма Нурислан-
нухъ ва амудадахъул Ларисахъ
ва Асиятлухъгу.

Ванияр гихунмайсса оър-
мулувугу чIа тIий буру чIава ви-
ричунан чIярусса хъхъичIуннай-
шивуртту.

Жугу хIадур хъуру гьуртту хъун

КIулушиву дулаврил идарарттал материал-техникалул база ххуй
баву мурадрай, Дагъусттан Республикалул бакIчи Владимир
Васильевлул сипталийну ларгсса шинал сукку дурссия «100 шко-
ла» тIисса проект.

Му проект дузрайн дуккан
дан республикалул бюджетра-
ва итабакъин ккаккан бувну
буссар 2 млн. къурушрал, агар-
да муницIун кабакъу бансса
арцу дулун бюхълай бухъурча
кIанттул цилакайлувшиндарал
бюджетравагу.

Гъашину проект гъарза-

гъарта дурну, нани дан куну бур
«150 школа» тIисса проект.

Ва проектрай гьуртту хъун
Лакрал райондалул бакIчинал
ккаккан бувну бур 5 школа, мин-
нул сияхIрай бур ЧIуртташиял
школагу.

Школалул администрация-
лул ва иширал ялув кумаг бан-

сса меценатъталгу льявкъуну,
хIадур бувну буссар конкурсрай
гьуртту хъуншиврул чара бакъа
аьркинсса документру. Агарда,
конкурсравух къагъарча, меце-
натътурал рартIсса арцух да-
ххана дантIиссар магъи, шко-
лалул вив дантIиссар ремонт,
ласунтIиссар школалун аьркин-
сса инвентарь. Мугу школалун
диялсса хIаллихшинни.

Руслан КЪАДИРОВ,
ЧIуртташиял школалул
директор

Кумаг бувара мизит дузрайн буккан буван

Лакку аьршарал дазуй шагъ-
браххуллуцIсса мизит був-
ну чулийн буквавай буссар. Ва-
ниха зузиминнал мурад бур
ва мизит Рамазан барз бай-
бишиннин къуртал бувансса.
Мунияту Лакрал райондалул
имам МахIаммад Бариев ур, ва
даву чIумуй щаллу хъуншиврул,
чIарав бацIияра, шайнал шай-
сса кумаг бувара тIий.

Кумаг буван ччиминнахъ бус-
лай буру телефондалул ва карта-
лул номерду: 8 9286791868, 4276
6000 3597 1635.

